



Nuna tamakkerlugu Pissassarfimmi innarluutilinnik naapeqatigiissitsineq - Isigiarsuttunut tappiitsunullu neqeroorut

Sammisaq: Isigiarsuttut aamma tappiitsut
Piffissami: Sap.ak. 46, ulluni 12.-13.-14. November 2025
Sumiiffissaq: Pissassarfik, Sisimiut
Peqataasinnaasut: 20 (+10 tapersersortit / ingiallortit)
Sullinniakkat: Isigiarsuttut aamma tappiitsut
Qinnuteqarfissaq: **Kingusinnerpaamik ulloq 26.09.2025**
Naapeqatigiinneq: Kalaallisut ingerlanneqassaaq
Peqataaneq akeqanngilaq

Sisimiut 27.06.2025

Inunnik innarluutilinnik naapeqatigiissitsineq - nuna tamakkerlugu neqeroorutaavoq

Nassuiaat:

Isigiarsuttuuneq tappiitsuunerlu inuunermut qanoq sunniuteqarsinnaasarpas? Oqimaaqatigiissumik inuuneq nukissaqarnarnerusorlu anguniaraanni unamminartut qanoq iliuuseqarfigineqarsinnaappat?

Uani naapeqatigiissitsinermi misilittakkatit tunngavigalugit avitseqateqarnissannut periarfissaqarputit, tarnikkut kingunerluutit paasisaqarfigalugit, inuunivillu naleqassusaata pitsaassusaatalu nukittorsaarnissaannut sakkussanik pissarsiaqarlutit.

Inoqatigut inuunermi atugarisat assingini atugaqartut peqatigigaangatsigit, tarrarsorfigeqatigiissinnaasarpugut, paasineqarluarnerusutut misigaluta kiserliortutullu misigineq annikillisarlu.

Inuunermi unamminartitaqarluni tusaaneqarneq ataqqineqarnerlu pingaaruteqarput, inuunerlu ineriartorfiujuarmat sakkussanik nutaanik pissarsinissaq alloriaqqinnissamut pingaaruteqarpoq. Akuersiniarneq ajornakusoorarsinnaavoq, inuunerli siumut ingerlariaqqissappat allannguutit ajugaaffigineqartariaqarput.

Tarnip pissusiinik ilisimasalimmik tunuliaqutaqartumik saqqummiisoqassaaq, isigiarsuttutut tappiitsutullu inuuneq akuersaarnarnerusooq ukkatarineqassalluni, ulluinnarnilu sakkussat naleqqunnerusut saqqummiunneqassallutik.

Aqqutinni sumulluunniit killikkaluaruit, ataatsimooqatigiinnermut peqataanissannut tikilluaqqusaavutit.

Tarnip pissusiinik immikkut ilisimasalik autorisationilik Aviaq Kleist Sethsen suleqatigalugu naapeqatigiissitsineq kalaallisut ingerlanneqarumaarpoq.



Ingiallorteqarsinnaatitaanermut pisinnaatitaaffik

Innuttaasut sakkortuumik isigiarsuttut tappiitsullu angalanermi ingiallorteqartussaataapput. Ingiallorteqarnissamik pisariaqartitsiguit, naapeqatigiissitsinissamut peqataanissamik qinnuteqarlutit immersuininni Dansk Blind samfund qullersaqarfianiit imaluunniit Isumaginninnermut Aqutsisoqarfiup qullersaqarfianiit uppersarsaat **`inersimasumik isiginiarnermigut ajornartorsiuteqanngitsumit ingiallorteqarsinnaatitaanermut uppersarsaat`** ilanngullugu kakkiutissavat.

Uppersarsaatip ilanngunneqarnissaanut pissutaavoq peqataasussap ingiallortaasussallu angalanermi billetsissai ataatsikkut inniminnerneqarlutillu pisarineqassammata Pissassarfimmit.

Malugiuk! Uppersarsaat ilanngullugu nassiutereeraluarit naapeqatigiissitsinnermut peqataanissamik akuerisaallutilluunniit itigartitaasinnaavutit.

Linki tulluuttoq toorlugu Isumaginninnermut Aqutsisoqarfiup nittartagaanut iserlutit `ingiaqateqarsinnaanermut pisinnaatitaaffimmik qinnuteqaat` immersugassaq aajuk aamma piumasaqaataasut atuakkit:

Ingiaqateqarsinnaanermut pisinnaatitaaffimmik qinnuteqaat

Malugiuk: Isumaginninnermut Aqutsisoqarfimmut inersimasumik isiginiarnermigut ajornartorsiuteqanngitsumik ingiallorteqarsinnaatitaanermut uppersarsaat qinnutigineraniit akissutissarsinissap tungaanut sapaatip akunneri pingasut sivilisusinnaammat.

Qinnuteqarneq:

Peqataanarluni nalunaarneq online aqqutigalugu ingerlanneqassaaq:

www.pissassarfik.gl/innarluutillit naapeqatigiinnerat

Malugiuk: Tapersersortimik peqataasoqassappat, immersugassap immersunnginnerani tapersersortasup pisortarisaa qaninneq paasitinneqareersimassaaq peqataatitsinissamullu akuersisimassalluni.

Qinnuteqarnermi akissutissarsinissaq:

Piffissaq qinnuteqarfissarititaasup qaangiunneranit sapaatit akunneri marluk ingerlanerani akissutissarsissaatit.



Angalaneg aningaasartuutillu:

Peqataanermut atatillugu Pissassarfiup aningaasartuutit uku matussusissavai:

- Najukkamiit Sisimiunut uterlugulu bilitsi angalernermilu unnuiffissat ilanngutereerlugit
- Naapititsinerup ingerlanneqarnerani ineqarneq nerisaqarnerlu

Tapersersortit: tapersersortaallutik peqataasunut ineqarnermut atatillugu ullaakkorsiorneq ilaareerpoq. Pissassarfimmi ulluklut najuulluni sulineri nerisaqarneq ilaareerpoq. Unnukkorsiorneq Pissassarfimmut attuumassuteqanngilaq.

Illoqarfimmit allamit peqataasussat naapeqatigiinnissap aallartiffissaa ullormik sioqqullugu tikissapput, naapeqatigiissitsinerlu naammassippat aqaguani aallaqqissallutik. Malugiuk, angalatitsivinnit ullut angallavissat apeqqutaallutik tikiffissat aallarfissallu allaanerusinnaapput.

Maluginiaqquneqarpoq, bilitsit akikinnerpaat allanngortinneqarsinnaanngitsut atorineqarumaarmata. Peqataasussat bilitsinik inniminneriikkanik allannguisut taamaatitsisulluunniit nammineq aningaasartuutissat matussusissavaat, Pissassarfiup angalanermut aningaasartuutit akilereer-nikuummagit. Tapersersortaasoq pineqarpat sulisitsisuata aningaasartuutaasut matussusissavai.

Sisimiunut tikinnermi Pissassarfimmit aaneqassaatit.

Malugiuk: Angalanermi najukkamiit mittarfiliarnermi, kiisalu angalanermi aqqutaani illoqarfinni allani akunninnermi angallanneqarnissaq ilanngunneqanngillat. Aamma nammineq aningaasartuutissat - soorlu atisanik errorsineq, Pissassarfimmit matussuserneqarnertaaj ajorput.

Aningaasaqarneq ullormusiallu:

Pissassarfiup ullormusiat pillugit suliat akisussaaffiginngilai.

Tapersersortaasumik peqataasoqarpat, taassuma aningaasarsiai ullormusiassaalu sulisitsisup akisussaaffigivai.

Malugiuk: Tapersersortaasut ullormusiat pillugit apeqqtissallit, nammineerlutik pisortarisartik qaninneq attavigissavaat. Ingiallortimik peqataasoqartillugu, pineqartoq sulineri annaasaqaataasinnaasut pillugit Majoriaq-mut saaffigininnissaa innersuunneqarpoq.

Apeqqtissaqassaguit, attaviginnissannut tikilluaqqusaavutit:

- E-maili: pissassarfik@nanoq.gl
- Oqarasuaat: 34 50 70